

近代中國史料叢刊第六十三輯
沈雲龍主編

紅杏山房遺藁

宋湘著

文海出版社有限公司印行

紅杏山房遺稿

賴際熙題



日有平安報中宵淚亦多經年曾不至一紙定如何爲子可堪此持緘重自訛那禁
先手戰 老父字成鱗

種花二首

北院槐樹陰日光午未杲南院陰不到杲杲達昏曉同時所種花南黃北青了青者
豈不喜陰多露亦少黃者豈不憐脉鍊氣深老不信待他日花開看誰好人生立功
名豈在遲與早

種木計十年種花計一歲取適耳目前亦貴使其繼朝來買花苗紅紫襍瑣細僮僕
爭執之頃刻一庭砌詰且撥新華良亦盛佳麗顧予獨永懷秋風會時至何不多種
菊以爲晚節計

瓜蔓三尺長莖蔓三尺短綠葉何盤盤一一穿籬眼籬眼縱且橫中間花爲城行列
既布置深淺亦調停時時察虫蟻保護根與莖灌溉苟不惰理可回乾晴

夜雨

連日天氣蒸春光快花前樓閣生暮陰輟失棉衣暖幽人親化心事事不得懶一更
紙窓鳴二更聲忽斷三更啓戶出掌濕不可卷始知春雨細一使春風軟簷響始不

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



不易居齋集 起丙辰至戊午

嘉應 宋湘 芷灣

古近體詩七十一首

雜詩四首

汲井下銀瓶起瓶月上手瀉水入銀椀舉椀月亦有納之心與腸足可轉八九八九
轉無端捫之清且寒誰謂心腸中不能如井寬

終日營華服服成人已老終日營大田田多生細草何爲世間人力與天爭巧長安
塵滿城炎天日杲杲何不典清酒莫自使枯槁

閱世四十年忽忽歎無成人苦不自知百感戕其生陶潛猶乞食杜甫尙依人吟詩
豈在好得酒還獨傾公卿聞羨人我何羨公卿

東風吹綠來好鳥鳴窓樹往復不愆期朝朝復暮暮樹下讀書人今讀到何處書亦
不盡讀讀者何所悟枝葉脫節根豈伊古人誤

接家信

日有平安報中宵淚亦多經年曾不至一紙定如何爲子可堪此持緘重自訛那禁
先手戰 老父字成鱗

種花二首

北院槐樹陰日光午未杲南院陰不到杲杲達昏曉同時所種花南黃北青了青者
豈不喜陰多露亦少黃者豈不憐脉鍊氣深老不信待他日花開看誰好人生立功
名豈在遲與早

種木計十年種花計一歲取適耳目前亦貴使其繼朝來買花苗紅紫襍瑣細僮僕
爭執之頃刻一庭砌詰且撥新華良亦盛佳麗顧予獨永懷秋風會時至何不多種
菊以爲晚節計

瓜蔓三尺長莖蔓三尺短綠葉何盤盤一一穿籬眼籬眼縱且橫中間花爲城行列
既布置深淺亦調停時時察虫蟻保護根與莖灌溉苟不惰理可回乾晴

夜雨

連日天氣蒸春光快花前樓閣生暮陰輟失棉衣暖幽人親化心事事不得懶一更
紙窓鳴二更聲忽斷三更啓戶出掌濕不可卷始知春雨細一使春風軟簷響始不

聞樹滴漸可辨水虫澁新吟爐煙迴虛轉不覺倍懷人殘燈伴孤館

孤鵲詩 并序

寓槐當戶一株日嚮夕輒有一鵲拳其上衆鳥尙啁啾作忙此鵲氣殊冷而意甚靜亦莫識其爲雄雌孤鵲可知也作孤鵲詩

無侶復無巢日夕旅卽次一枝豈有擇雙栖若無意爾鵲何爲者得非抱貞義方春二三月羣飛競相媚樂生物之情志動物之事而鵲處其間不聞亦不避莫或余敢侮侮者自不至有時風動枝略效雨縮翅晴乾聽天時歡喜付人世此豈果鵲情無由道鵲志熒熒檐際星照影不到地明當復歸來獨客戶且閉

讀杜工部集四首

此老愁心極千秋一擅場不成爲稷卨終得掩曹揚公詩賦料揚雄敵詩看子建親流落才招取

遭遼事感傷安排詩作史有意果蒼蒼
獻賦初心在參謀百計違艱難畱草履涕淚說戎衣諫草無人見朝班有夢歸十年
秦蜀路又逐楚雲飛

滿目雖多事扁舟亦可憐
逢人皆乞食訪道不成仙
兀傲開元老崢嶸大歷
落花漫新句風雨暮江前

自許詩堪老原知死更傳
山川書劍過歌哭日星懸
髮豈風塵白心猶道路
千秋江漢月寂寞亦娟娟

小圃四絕句

槐樹兩年無此榮抽枝接葉花
細生落英纔掃又滿地圍屋山
蜂爭曉晴客中寸土不易得
屋角墻根皆蒔花連日雨多
藤蔓死籬頭再補及秋瓜
名花天下口如一草花一處
一名殊愛汝顏色得妍妍
南人也學北人呼園中衆花
以色勝一二色少以香多
夜深獨起坐風露時有清聲
聞落柯

適讀杜少陵寄五弟豐詩見其與四亡弟同名掩卷感絕

生離猶惻惻死別况茫茫
破篋文長闕殘封蠹已僵
多年偷墮淚有父在高堂
不見墳頭草而今又六霜

脚病

瘦馬傷蹄日英雄撫髀時避人扶小豎削杖廢長筇筋骨千錘折乾坤一繫維平生
浪蓬轉今日守株爲

寄鄭三丙昌

挂帆向風浪進退交怍怍終日坐車壁轟轟如耳鳴心口自相語八九不得呈浪定
馬解鞍一夢來生平欠伸復大噫稍自聞其聲我與曉園子文字爲友生久乃見肝
膽終而成弟兄己酉與庚戌兩載同昏晨山下叢書閣風雨嘈嘈聽登堂拜壽母啼
笑襍孩嬰依依眞家人不聞雞犬驚衣食共枵腹僮僕無鬪爭我出車子車我入燈
子燈並影檢文史交綦傾栝觥有時並馬出賞花兼聽鶯鶯花亦有意呢子還我親
我貧累八口子富非千塍每當家書來輒亦指一困我才愧比管君義高同陳人生
非木石安得無性情爾後或小別逐逐肥馬塵數月得相見夜語恆無眠相期共跋
浪大海飛鯤鯨壬年七八月夜夜秋風清爲我僦夏屋踏月五羊城豈意梁上材不
及蠶下薪敢喜珠出海翻憶玉遺荆子乃殊欣然盛饑江之濱長途沮行色一一勞

經營轍跡一以北百疊書殷勤潤懷有歲月篤契無關津區區兩蝸角望我如望君
如此五六年鬱鬱俱未伸顧我鬢裏戟知子眉含顰我今尙畱滯非官縻 帑銀習教

給月錢二千石

騎驢北門出風雪滿其身希冀捧一檄爲養非爲名筆硯焚且盡酒債

時交征此心如橋木宇內惟寓形樓中紅杏花或畱與子孫初秋有人來自言君比
隣聞子頗欲出行行搖雙旌掃榻踰三月倒屣虛一迎想又不復來或待明年春如
子二頃田進止俱可憑前書略已及不復唇舌申憶子送我時索詩何丁寧數載不
一報繫豈忘故人亦欲得佳境稍與句俱新豈謂氣蔬筭擺脫全無因積愆那可道
着手難爲停喁喁兒女語拉雜交甘辛寂寞首重回觀縷情乃真八千里頓首珍重
雙紅鱗

看瓜

去年瓜大今年小今年瓜遲去年早去年瓜好雨亦好今年雨滂瓜苗天拖泥帶水
補種瓜秋來的的瓜初花風露清微日光爽蜂腰鶯脰交籬笆先生顧之色亦喜晚
食得少味應美但莫秋雨復秋田打落瓜花兼瓜子城外園丁一萬家可曾翻覆泥

瓜車

山齋秋夜四首

樹雨殘雷滴林風遠遞生無霜燈壁冷有字草蟲清頓挫名心死崢嶸病骨鳴難孤

山外月蹙蕙繞階行

時方
脚疾

乍見山河影西窓一抹痕漸多微礙樹又上欲當門孤客荒吟思沈痾負酒樽掩關

愁索臥牢落夢中論

不寢非關冷何悲亦爲秋井欄鳴鬪葉簾角入牽牛書劍憐生計江湖感昔游披衣

行更坐風露一螢流

纂纂將英菊離離就熟葵葉明團露細香暗著風遲客味閒難得秋心靜易知呼童

看北斗城柝夜何具

寧道示僕

我還塵滿面爾敢足爭人努力泥塗走回頭虎豹瞋目原無富貴心莫枉酸辛歸去
衣聊澣先酬五字新

健馬篇

健馬可用而不可用老馬不可用而可用君不見健馬一日可萬里騰風掣電血微
泚失脚已困溝中水健馬不可用而可用老馬可用而不可用君不見老馬百戰膽
不寒出生入死天地寬血肉臭腐皮骨乾馬兮馬兮予心酸

八月十五日得四川官軍掃蕩安樂坪賊匪捷報

二首

談兵不到草萊臣聞喜猶能作頌聲三戰

聖人勞旰食萬方赤子請長纓原知此輩魚游釜頗費將軍寵滅營拉朽摧枯好乘
勝河清還我舊昇平

上皇萬壽

聖皇朝一片紅旗到九霄自是

天庥應如響誰逃

國法妄興妖勢成破竹師無敵幕有巢烏將勿驕卽待春農歸洗甲便趨 春殿共

聞 韶

肺病

骨髮秋風入山猿咳嗽如聒鄰疑老大廢業負居諸高枕年無頓垂頭月有餘可憐
成底事四十此寒樛

煮瓜二首

廚舍偏側來瓜香童子啞啞圍爐旁入秋幾日瓜可食却憶春初分瓜秧先生種瓜
如種玉日日澆瓜澆不足釜中霍霍亦可憐飢來且果先生腹

擔頭賣瓜滿街走園中摘瓜我自有煮秦人炙者吾炙味亦相同趣則否先生不是
東陵侯漢陰之叟難可儔祇欲自號老農圃婦子遠隔生人愁

伐檀伐檀河之干園有瓜分長且團於 國於家一無補安得假借非素餐先生潦
倒牛馬走萬事蹉跎可回首再欲作歌聲已酸不如有瓜且賒酒

乾隆癸丑中秋

陳榕溪夫子自三河遣人走京

師招湘讀書官舍且命卽日束裝趁節賞月蓋下

車之第七日也距今夕乃五年矣 夫子俸滿不
遷湘復留滯都門偃蹇如故極思來會此節一話
萬端以病新起不果對月孤吟惆悵無極時嘉慶
三年戊午八月十五夜

憶客三河縣今宵忽五年感時瓜已熟紀事月頻圓後會知何地相違况眼前平生
一師弟欲語轉茫然

宦轍還如此羈踪那復論馮唐垂白首芳草漫王孫一病連三月孤斟冗半樽遙知
對良夜感舊亦聲吞

秋陰三絕句

秋陰如夢不思醒暮雨朝風亦自停園裏菊英三百本爭人瘦影入虛櫺
不關多病故人疎晝掩柴門百慮除削竹補籬深護菊移香就枕細攤書

通家子弟陳香浦百里能分小摘梨是日自三河走使 棖觸舊游秋又老盤山紅

葉寺東西

人皆議少陵絕句爲短予以少陵自不肯爲人之
所長若夫古今派別焉可誣也杜自云法自儒家
有心從弱歲疲或輒以別調目之是可異已作二
絕句

豈果開元天寶間文章司命付梨園諸公自有旗亭見不愛田家老瓦盆
滿眼餘波爲綺麗少陵家法必風騷千秋尙有昌黎老流出崑崙第二條

小籬二首

驟夕我愁雨沉陰天不開小籬成獨坐冷客或能來愛菊頻探蕊傾家一舉枯飢鳥
誰飯爾落葉走枯苔

客久鄰兒狎招羣過短墻但無驚蜀犬亦愛舞商羊病脚關門懶秋聲滿屋涼明年

迴首地吹壁記行藏

教習將
報滿

題畫美人睡起二首

看看一意滿宵中疑被酒下床不喚人釵子枕前後
簾鈎簌簌鳴衣帶纖纖弄想是尋不來分明有殘夢
開落瓶上花消息爐中火猶憐初睡時添香理花朵

重陽前一日

菊花時節瀟瀟雨六枳籬邊浥浥香不剪藤蘿風自落將收菜甲日添黃客當無事
苔堦淨奴有童心藥鼎涼病骨近來唯一懶游人何處又重陽

支離四首

著書無筆力飲酒亦支離眼底傳人少身前造物疑閒花開自落小圃我同誰又是
年垂晚秋光到九時

愛菊嫌籬破編籬護菊來前年新種樹一半老成材何處海潮汐有車雷往迴閉門
甘寂寞懷古一登臺

久客名何在奇窮骨奈驕百思惟睡好一枕得春饒惜字畱殘刺傾家贖敝貂天寒
日更短庭樹亦蕭蕭

落日啣林半歸禽各對呼兩三巡竈犬五六候門奴自笑客何者能如耕也無南山
田二頃四壁滿瓜壺

聞雁

只道霜應落寧知雁已飛寒空千響咽獨夜一燈微到我門前水逢人月下機莫因
無字去須得有書歸

重聞

後雁續前雁前鳴催後鳴追飛應不遠急響若爲情月塞千山迴霜天一夜明如何
北遊者不解向南征

又聞

每到人聲定長空又雁聲一年秋幾夜萬里月孤明作客原無賴浮生復爾情獨憐
來去易偏挾羽毛輕

十月十五日夜雪一首

簷日晚尙明野煙昏已滿 禁城柝遞深人海聲遙緩大噫一以息寒鄰百相欸昏

燈照徹裘滯客嬰荒館移几俯熾爐取泉注深盃疎檣瑩新明虛幌薄餘煖倒影浮
樓臺流光接町疇呀呀驢何鳴淅淅葉微伴檢時正小雪紀日當中澣兆豐期匪愆
集霰晷叶短以茲陰陽調則喜灾沴罕前者莫一葉窺天手寸管曰朔鳥則虧日望
兎斯斷而皆濃陰護章亥不足算

舜心自有雲宣時漫多旱穆穆
兩聖人旰食不忘遠合信

德回天况談山壓卵洗兵豈無日挽河卽堪盥紛紛楚蜀隅踐踐麋鹿轉此皆太平
民輕棄百家鄼文德以遠懷武功亦載續殲渠咸維新誕告在用亶春牛郭北眠恩
婦城南懶諸將夫何人庖丁識大款此夜偷入蔡作碑韓誰袒

曉起對雪二首

紙窓風斷炭鑪灰城角鐘聲一片來不道人家煙漠漠已看天井雪皚皚真堪濯魄
團將燕莫便呼僮掃作堆閒與隣翁數年景好花飛到第三回
到眼清華也不貧十分冷淡足精神羌無明月來涵影略有迴風去逗春童子乞隣
知請火先生擁絮肯干人多情頗愧庭前鶴一步移將一步親

身在樓臺縹緲間清光如此不塵寰縱嫌衣薄應須耐便壓簷低那許刪畫裏孤舟
人釣水夢中一樹我游山安排驢子橋頭去消受先生此日閒

與人論東坡詩二首

縱不前賢畏後生名山勝水本無形唐翻晉案顏家帖幾首唐詩守六經
一生心醉陶彭澤暗地師資杜少陵畢竟要還真面目人豪纔是戒來僧

雪霽即句

夜半嘈嘈風四鳴曉寒殊重夜寒輕何人看雪句先得到我開門天始晴山影壓城
無遠近月光照海此分明閒居自喜稀來往小掃槐根買酒行

孤燈效玉川子五首

無言無笑非無燈破寺龕前可見曾又是黃昏供一椀我真成佛僕成僧
不帷不藥案無鼠乍北乍南窓有風忽聽隣鷄聲似海始知身是住城中
三尺塵埃壁上劍數本散亂牀頭書劍光耿耿雪抱匣書聲呶呶霜壓廬
數莖黃鬚兀自撚每到三更三點時童子不知聊破寂背言窮死只吟詩

長夜喜坐苦油少童時躲讀憎油多躲讀喜坐等自廢蹉跎嗟爾將奈何

家園襍憶四十韻

作客何其久回頭昨少年羈情空復爾鄉思故依然籍隸梅州古邨名白渡前衡門
當水曲老屋負崖巔鱗次比隣接瓜綿一脉延世吾過二十族衆約三千鷄犬家家
有桑麻處處連先疇耕共牧舊澤誦兼絃伏臘童翁集堂階子姓聯豚蹄祈歲社柏
酒介眉筵樂事邱園舊良辰景物妍冬初梅已笑秋盡菊猶鈿是岸排篁竹逢橋有
木棉樓濃紅杏雨溪淡綠楊煙樹樹飛蝴蝶山山答杜鵑鷓鴣多草際翡翠只沙邊
候過清明節人忙穀雨天茶時偏麥熟饅日又蠶眠吐憤聲喧野前裙影倒淵簑衣
攜鍤出簪笠採山還有市纔通里凭欄卽在川兩三江上閣七八渡頭船風雨歸漁
筏朝昏響澗泉桐蹊開酒店榕徑歇柴肩笋蕨紛投筥魚鹽各守廛簷堆柑子大盤
貨荔枝鮮生小貪遊戲情閒那棄捐趁墟呼輩行上聲繞膝索饒錢遇釣敲針學逢
花卷袖牽長歌愛樵答短笛羨牛牽九日登高屐中秋鬪飲拳踏青衫楚楚訪友帶
翩翩課曠愁師賁來遲得母憐江湖寧此志漂泊竟成緣始尙依南粵今仍滯

北燕亭從五里別月漸首回圓積面塵難掃騎驢蹇豈鞭化緇原是素入夢必于田
便好畱盟誓終當問陌阡歸來他日事先倩畫圖傳

陳榕溪師來札輒有何有何無黽勉求之語感集
慙送系以短句

隻字堪千古雙魚抵萬金正聞窮到骨仍道客關心俸半貧交減恩全賤子深邅風
持好詠和淚一長吟

范蠡載西施圖歌

越王已霸吳王死夜半傳呼索西子西子功成可以止范大夫曰鷗奇矣鷗奇何處
尋路人都指吳江心寧知消夏灣前路自出門來生怕住若耶溪畔記相逢只有一
人真是故無端歌舞可奈何國恩知己兩情多白紵衣邊浣紗淚烏棲臺側采蓮歌
朝亦復采蓮暮亦復采蓮妾心五湖水妾夢五湖煙五湖船頭打兩槳五湖船尾蘆
葭響錢刀惹氣付閒評估客漁孃空比象年年湖水綠油油君王壽考臣扁舟扁舟
只在湖心裏一日揚帆一日畱如何不向湖頭醉郎本英雄妾本媚十年辛苦百年

閒回頭莫說吳宮事吳王宮前有鷓鴣越王宮前亦鷓鴣千秋誰氏扁舟圖呀乎嗟
伍大夫

又一首

男兒生不軍門殺賊子汨汨江湖空老死男兒報國豈必定封侯美人醇酒復何求
乾坤浩蕩山河悠漁竿三尺當春流波上鴛鴦沙上宿日日雙雙任去留大夫姓范
人姓施爲問行人知不知千金到手即揮酒明日陶朱今子皮世間萬事誰真假纔
道芙蓉又野馬十年變作吳宮秋誰是當時浣紗者吁嗟乎君紅粉我白頭湖中有
酒湖中游仰天大笑出門去西施卽在湖中住

座主初頤園先生視學福建奉別二首

鄒魯風今到海濱三年吹煖人聞春諸生莫錯馬融帳天下能談郭泰巾文選樓高
經見月羅浮秋遠舊無塵先生前任湖北學政臨歧獨有低垂處如許當時第一
人

落拓深慙國士知六年席帽此頭皮春風不厭無花果夜雨還留失着棋路向紫陽
尋道脉天低南斗引旌旗馬前咫尺家山近夢逐星輶過嶺時

惠州西湖以東坡先生得名水之清不如杭居然水也湖之廣不如杭居然湖也湖上之長林豐草名亭傑閣不如杭居然長林豐草名亭傑閣也潁之西湖吾未見見杭之西湖矣不能廢惠之西湖也今年僑寓湖上風日佳時一艇一笠未嘗不出未嘗不有所題識殆游者結習略同耳家玉洲隨予讀書知予生平善棄乃遂默爲檢存自春徂秋得詩若干首秋杪肺病不復出詩遂少今依原錄以關涉湖山者居前而年中贈荅寫懷之作附焉題曰豐湖漫草聊志游踪湖故二曰豐曰鰲東坡以後統名西湖今稱豐湖者紀寓也

嘉慶六年辛酉歲小除日宋湘自叙

豐湖漫草目錄

古今體詩七十五首

賦二首

續草

古今體詩一百二十首

夢游陰那山賦

山在嘉應州東南百里許亦名五指峯慙愧祖師開山云

飄飄者何巒冷冷者何泉窅窅者何谷試叩兮松關祖師曳杖導我前前驅虎豹後
鶴猿坐我以中指之高頂祝我以天風之瓊環濯我以杯勺之滄海數我以髮縷之
中原戒我以汎涉乎天下乃驚遠而守不專夫在天之爲星辰在地之爲山川知星
辰之隨天散布識山川之隨地中邊今子生長乎此州之一壑出而與中土之士汗
漫乎其間逢齊人而齊語逢楚人而楚言苟駭視而易聽猶乘馬者之於乘船庸知
夫彼亦一聖賢此亦一聖賢豈不見師之卓錫乎震旦一跣趺而坐西天且佛之光
在不在面山之價在意不在錢今子方秣馬乎四極攬轡乎八埏觀子之意非苑
嵬佺之故宅室子晉之新屢其勢且輾轉而不可止焉且夫遇聖而不知聖逢仙而
不識仙雖復踏破五岳坐爛三山審窮大而失居知不可得乎一椽茲山也捫星天
末擢秀人寰呼吸沆瀣日月吐吞澗鏘珠玉禽調管絃草香花異石滑鹿眠徒以落
在海陬又罕遇有道之士故山靈秘之世不可得而遽傳語未既予乃指東海以申
誓攬白雲而結言斫古柏爲載書摘青蓮爲歃盤書曰某年月日某游陰那與慙愧
祖師訂歸山之約結卜隣之緣而天雞已喔喔乎羅浮之巔也

夢游羅浮山賦

戴我箬笠攜我竹鳩優哉游哉四百峯頭水復水兮褰裳山復山兮捨舟行復行兮
古洞止復止兮重樓仙人看過之花方士斲來之藥莊生新化之蝶蘇子舊吟之雀
相識相逢如今似昨亦復瘖虎毛長銅龍爪落矣皓月轉空煙深露濛落葉一聲松
梢始風怪稚川兮何去又鮑姑之不逢爾乃扣石成音短歌微吟吟曰天高高兮海
深深風吹兮我襟鷄不鳴兮日早世無人兮同心於是梅花之英翠羽之靈開林啓
扉有情無情展白水之明簾掃黃葉於荒亭歎師雄兮不歸訴月落與參橫我歌彼
賡綽有餘聲賡曰花開兮春深花落兮故林青山兮寂寂流水兮古今

豐湖漫草 辛酉年作

嘉應 宋湘 芷灣

湖居十首

水割東城斷城根水拍門路纔分一艇人已住西邨僻舍聯樵牧餘氈護犬豚讀書更垂釣沙鳥此乾坤

藤菜家家足山茶戶戶儲門生時致酒隣父或投魚詩半聞鐘後行多過雨初江湖

真滿地風月自吾廬

蘇詩豐湖有藤菜似可敵蓴羹

竹外月光來湖天洗更開六橋千點樹獨夜一層臺海隔人間世身留掌上格不知蘇玉局可似我徘徊

日日蘇堤上游人語不休兩橋成故事一帶有千秋身後名何補生前酒幾酬可憐

人月意感慨亦登樓

蘇詩可憐人與月夜夜江樓下

欲問羅浮月梅花只掩關迢迢佛跡水莽莽象頭山採藥先春種投丹幾夜還頗愁

多病骨無分逐仙班

夜雨湖沙沒春風岸草遙
曾支三板艇柳慢六堤橋
沽酒記前渡看花還幾朝
等閒分歲月深竹賣錫簫

洒洒兩湖風滿山開刺桐木
棉吹作絮蝴蝶展如篷
野筍穿籬白江魚出網紅
傾城人上塚都在水西東

屋後新亭子能來醉幾回
江流斜日去月照大蘇來
太守先能賦諸生亦半才
都須留幾字鐫上綠莓苔

家好年常住詩湏日一篇盤
盤青草地曲曲白鷗天
便擬求湖疏多留賣賦錢
買山兼買水二頃稻花田

自寫關心語何曾借酒栢
往來風贈答圓缺月徘徊
婦遺縫書帙兒教疊釣臺
祇愁人錯笑也爲荔枝來

白鶴峯謁東坡先生故居四首

晨起支尺筇來上白鶴頂
崇階可百級道高心已領
人門拜堂前遺像肅高岡
焉知神似不指月得其影
平生未見心已見不敢請
下堂復升堂徘徊見遺井

曰德有鄰堂曰思無邪齋鬱鬱八大字千年還復佳豈非有精靈海天驅風霾太守好事者摹勒重安排此功亦不小後世有吾儕

伊墨卿太守新摹公書八字入石嵌壁間

長江在北戶青山滿墻頭青山自萬古長江亦千秋先生不到此荒荒空一邱當時事已過何必重怨尤請看題詩處江天如許悠
少小愛古人文章杜與李餘子自卓卓先生三而已李杜不南游私公如桑梓翟生亦何緣林婆良獨喜劉安爲神仙雞犬無生死舊時合江樓今日西湖裏愧喫惠州飯我生亦丙子

登合江樓即用東坡先生寓居韻

朱樓帶水何悠哉荒荒萬點青山開此是東坡一楮處聊復一中披襟來江上新詩吟信美樓中老人呼不起白鶴峯前一片雲東新橋下千年水千年流水無故新代代今人望古人爲問羅浮真一酒何似雲安麴米春

重過六如亭題壁二首

一骨何難共北歸東坡心事太深微祇觀大聖東南塔零落寒燈蝙蝠飛

墳頭片石竟銷亡十載重來此感傷真個六如身是法更無露電有斜陽
白鶴峯前自故居寓公魂魄近何如年年社飯思量甚莫問東風草滿墟

題泗洲塔

此塔立此湖此湖洩其大塔影落湖中塔氣出天外

古黃塘寺 書院新遷寺左

一僧一木魚鴉歸門已閉啞却古時鐘留得古時寺書聲一何高乃在檐東際燈火
開比隣亦自防嫌議或言盛衰理是關廢興義湖水本無心山月豈有意但各保封
疆何必樹旗幟竭來一過門僧衣兩肘敝分張砌下花疎疎却有致導僧使之言塵
劫不可記自來寺中居閱過人間世主僧時一來客僧歲不至豈不念苦辛是法門
不二感此轉歎息呼使小子識

與黃塘寺僧

黃塘山下倦吟人踏屐頻來看佛身湖上月原天上月寺前春卽院前春尋常半瓊
茶能供邂逅三分話亦因他日便求湖一曲舊鄰莫錯作新鄰

棲禪寺

不見逍遙堂尙見棲禪寺風壁又淒涼齋厨并無蕙

蘇詩齋厨釜蕙羹野餉籃有蕙

孤山豈不美

原寺在孤山

何年此移至當時蘇子瞻滿湖小遊戲曾此晚置酒蠻果粲蕉荔四更山吐

月五首吟五字寺與羅浮院裙屐最風致當時王朝雲叅禪得了義寄塚松林中咫尺寺旁地蕭蕭六如亭瑟瑟佛燈媚而今殊不然古風何輕棄即今寺後塔曰洲又曰泗當時大聖名東南即其位來者不考古謬自出新意人事類如斯陵谷無多議乃至觚不觚何以異而異湖以蘇得名法當援蘇例閒人湖上游好談湖上事獨與古時月徘徊問一二

永福寺

十日湖上游不知山裏寺稍聞煙外鐘始躡歸僧至森森木蔽天的的花散地廣殿何莊嚴摩挲壁間字此曲唱誰家蒲團聊一憩階泉足新雨一瓊茶味異我自不叅禪比邱笑有意出紙索留詩綺語慙難棄

次墨太卿守無礙山房壁間韻

湖上一年閒作客我非山主亦山賓每逢落日放孤艇時復過橋攜幾人已借蒲團
嗅簷蔔更尋丹竈問金銀鐘聲點點不歸去纔有湖風吹月鄰

西靜遠軍門攜酒見過

西湖秋霽水漫漫湖上閒人秋更閒坐斫釣竿量夜渚行收花種計春山尋常籬落
無黃犬寂寞江天有白鷗難得將軍此相憶一壺催漿荻蘆間

浴風閣秋夜二首

竹樹連城暗人家列嶼明湖山深海氣樓閣豁江聲得水自能靜况秋無限清君看
蓬島月又與小簷平

白白鷗依渚蒼蒼鶴點煙堤深籠樹直山遠貼天圓客枕滄江外秋心白露前漁樵
回記日風雨欲經年

後夜又二首

散却游人艇湖煙結一隈閣虛還我坐月滿出城來細浪隨風旋深鴉換竹開秋光
今幾日山水倍幽哉

盡拓牕三面平收水一灣
驗荷知鴨睡窺石認星還
艇艇遠何去榔榔鳴不聞
始知鷗鷺侶全占好湖山

秋晚准提閣二首

湖到山前大天從海外微
城眠江暗轉邨出樹明圍
半閣新楓葉三秋老客衣
頻來無一事捫蝨送斜暉

葉帶疎鐘下人先一鳥高
眼前身是粟天際鶴無條
兩塔捧雲定一燈蹲佛牢
風旛無限理江月自江濤

絕句三首

黯黯山浮碧鱗鱗水作秋
牛羊各茅巷鷗鷺共沙洲
藤菜高圍屋槿花明出墻
頓頓蘇玉局家家黃四娘
一山重一水一水涵一天
可惜湖上客不耕湖上田

西靜遠軍門招集元妙觀卽事

海水定無波湖光微有秋
勝地得古觀及茲佳日游
入門看白鶴松竹高且幽
將軍